

Broj: 03/05-02-557/2010  
Sarajevo, 07.11.2013. godine

PARLAMENT FEDERACIJE  
BOSNE I HERCEGOVINE

- Dom naroda -  
gosp. Radoje Vidović, predsjedavajući

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Prijmljeno: 08.11. 2013 god.			
Org. jed.	Broj	Priloga	Vrijednost
02-02	-	389/13	

11.11.2013 110x

**PREDMET:** Izjašnjenje Vlade Federacije Bosne i Hercegovine na amandmane na Prijedlog zakona o koncesijama, koje je podnio Klub Hrvata u Domu naroda Parlamenta Federacije BiH i amandman, koji je podnio Mustafa Kurtović, delegat u Domu naroda Parlamenta Federacije BiH

Poštovani,

U skladu sa članom IV. B. 7. c) (III) Ustava Federacije BiH, a u vezi sa članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam Izjašnjenje na amandmane na Prijedlog zakona o koncesijama, koje je podnio Klub Hrvata u Domu naroda Parlamenta Federacije BiH i amandman, koji je podnio Mustafa Kurtović, delegat u Domu naroda Parlamenta Federacije BiH. Prihvaćeni amandmani postaju sastavi dio Prijedloga zakona o koncesijama.

Gore navedeno Izjašnjenje Vlada Federacije Bosne i Hercegovine je utvrdila na 86. sjednici održanoj 06.11.2013. godine, nakon razmatranja istih.

S poštovanjem,



Co: Predstavnički / Zastupnički dom  
gosp. Fehim Škaljić, predsjedavajući

**VLADA**

**ВЛАДА**

BOSNIA AND HERZEGOVINA  
FEDERATION OF BOSNIA AND HERZEGOVINA  
**GOVERNMENT**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10) a u skladu sa članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja amandmana na Prijedlog zakona o koncesijama, koje je podnio Klub Hrvata u Domu naroda Parlamenta Federacije BiH i amandmana, koje je podnio Mustafa Kurtović, delegat u Domu naroda Parlamenta Federacije BiH, Vlada Federacije Bosne i Hercegovine je, na 86. sjednici održanoj 06.11.2013. godine, utvrdila sljedeće:

### **IZJAŠNJENJE**

**na amandmane na Prijedlog zakona o koncesijama, koje je podnio Klub Hrvata u Domu naroda Parlamenta Federacije BiH**

#### **AMANDMAN I**

Članak 5. mijenja se i glasi:

Iza stavka (5) dodati stavak (5a) koji glasi: „Kantonalno povjerenstvo za dodjelu koncesija“ čije su ovlasti definirane člancima 9. i 10. ovog zakona.

### **IZJAŠNJENJE**

#### **Amandman se prihvata**

#### **AMANDMAN II**

Članak 5. stavak 13 mijenja se i glasi:

„Registar koncesija“ znači jedinstvenu elektronsku evidenciju ugovora o koncesijama dodjeljenim iz nadležnosti Federacije BiH (federalne vlasti), koje vodi Povjerenstvo F BiH;

dodaje se novi stavak koji glasi:

„kantonalni registar o dodjeli koncesija“ znači jedinstvenu elektronsku evidenciju ugovora o koncesijama dodjeljenim iz nadležnosti Kantona i Općina, a koji vode Kantoni sukladno zakonima iz ove oblasti u kantonima.“

### **IZJAŠNJENJE**

**Amandman se prihvata uz uvjet da se u članu 5. stav 1. nova tačka 13a. dodaju riječi: „a koju evidenciju su dužni dostavljati federalnoj komisiji na kraju svakog kvartala u godini.“**

#### **AMANDMAN III**

Članak 11. mijenja se i glasi:

U slučajevima kada koncedent odlučuje o dodjeli koncesije za određeno dobro na temelju članka 14. ovoga Zakona, a spada u federalnu nadležnost, a kada se to dobro nalazi u potpunosti ili pretežno na području jedne općine ili grada, odnosno kada se posljedice dodjele koncesije odnose pretežno na tu općinu, odluku donosi koncedent na prijedlog Komisije, uz prethodnu saglasnost općinskog, odnosno gradskog vijeća lokalne zajednice na čijem području se dodjeljuje koncesija.

U slučajevima kada koncedent odlučuje o dodjeli koncesije za određeno dobro na temelju članka 14. ovoga Zakona, a spada u kantonalnu nadležnost, a kada se to dobro nalazi u potpunosti ili pretežno na području jedne općine ili grada, odnosno kada se posljedice dodjele koncesije odnose pretežno na tu općinu, odluku donosi koncedent na prijedlog kantonalne komisije, uz prethodnu saglasnost općinskog, odnosno gradskog vijeća lokalne zajednice na čijem području se dodjeljuje koncesija.

## **IZJAŠNENJE**

### **Amandman se prihvata**

#### **AMANDMAN IV**

Članak 29. stavak (6) mijenja se i glasi:

U slučaju kada je privredna djelatnost subjekta koncesije u potpunosti ili pretežno locirana na području općine ili grada, a predmet koncesije je u nadležnosti Federacije, ili u slučajevima kada negativni efekti koncesionog projekta primarno utječu na tu općinu ili grad, naknade za koncesiju se raspoređuju i plaćaju u sljedećim omjerima:

- 60% u proračun općina, odnosno grada,
- 30% u proračun kantona i
- 10% u proračun Federacije.

U slučaju kada je privredna djelatnost subjekta koncesije u potpunosti ili pretežno locirana na području općine ili grada, a predmet koncesije je u nadležnosti kantona, ili u slučajevima kada negativni efekti koncesionog projekta primarno utječu na tu općinu ili grad, naknade za koncesiju će donijeti zakonodavno tijelo kantona na prijedlog vlade kantona uz prethodnu saglasnost Općinskih vlasti, odnosno Grada.

## **IZJAŠNENJE**

### **Amandman se ne prihvata**

#### **Obrazloženje**

Prirodno bogatstvo kao opće dobro pripada svim građanima Federacije Bosne i Hercegovine pa je fer raspodjela sredstva od koncesione naknade bitna za sve općine u Federaciji. Ravnomjernost ove raspodjele na sve općine i kantone bar u predloženoj dijelu raspodjele od 30% može vršiti samo nivo Federacije zavisno od potreba, za razliku od sadašnjeg modela gdje sredstva od uplaćenih naknada idu 100 % u Budžet Federacije, dok predloženi model predstavlja optimalno rješenje koje će omogućiti nesmetan rad ugovornih organa u pripremi i izvođenju koncesionih projekata.

#### **AMANDMAN V**

Članak 52. mijenja se i glasi:

Iza stavka (16) dodati novi stavak

(17) Sastav povjerenstva za provođenje postupka dodjele koncesija iz nadležnosti kantona kao i proceduru i provođenje dodjele koncesija kantoni će urediti zakonom.

## IZJAŠNENJE

**Amandman se djelimično prihvata samo u dijelu utvrđivanja sastava komisije za provođenje postupka dodjele koncesija, a nikako procedure i provođenje dodjele koncesija**

Predlažemo da se u članu 52. iza stava 16. doda novi stav 17. koji glasi:

„ 17. Sastav komisije za provođenje postupka dodjele koncesija iz nadležnosti kantona urediće kantoni svojim zakonom.“

## IZJAŠNENJE

na amandman na Prijedlog zakona o koncesijama, koji je podnio **Mustafa Kurtović, delegat u Domu naroda Parlamenta Federacije BiH**

### AMANDMAN I

Na član 9. (Nadležnost kantona) Zakona o koncesijama, isti se mijenja i glasi:

„ Član 9.  
(Nadležnost kantona)

Kanton odlučuje o dodjeli koncesije za:

- 1) Izgradnju/dogradnju, korištenje i upravljanje i održavanje regionalnih cesta;
- 2) Izgradnju i korištenje hidroakumulacija na prostoru ili od interesa za dvije ili više općina u sastavu kantona;
- 3) Izgradnju i/ili korištenje energetskih objekata instalisane snage od 1 do 5 MW;
- 4) Istraživanje i eksploataciju nemetalnih mineralnih sirovina i mineralnih sirovina, koje nisu u nadležnosti Federacije, a protežu se na području dvije ili više općina u sastavu kantona;
- 5) Lovišta;
- 6) Ribolovne vode;
- 7) Poljoprivredno zemljište;
- 8) Sport;
- 9) Turizam
- 10) Javni linijski prevoz putnika za linije na području dvije ili više općina u sastavu kantona;
- 11) Druge javne usluge (djelatnosti od općeg interesa) iz nadležnosti kantona.

## IZJAŠNENJE

### Amandman se prihvata

Obzirom da se prihvata amandman za izmjenu člana 9. Zakona to predlažemo da se navedene djelatnosti brišu iz člana 10. Zakona (nadležnosti općine i grada i to tačke 3. Lovišta, 4. Ribolovnih voda, 5. Poljoprivredno zemljište, 10. sport i 11. Turizam).

V. broj: 124012013  
06.11.2013. godine  
Sarajevo

